

Digitales Brandenburg

hosted by **Universitätsbibliothek Potsdam**

**Von dem Lob deß Eigen Nutzen ... Mit vil schönen
Exempeln vnd Historien auß heyliger Göttlicher Schrift
zusammen gezogen, Durch Leonhard Fronsperger an tag
geben**

Gut, Oswald

Franckfurt am Mayn, 1564

Beschluß.

[urn:nbn:de:kobv:517-vlib-11794](https://nbn-resolving.org/urn:nbn:de:kobv:517-vlib-11794)

Beschlus.

Darumb lieben Christen/ Dieweil
ir nun in disem Beschlus/ auch zu vor
in meiner Red gnugsam vernommen/
wie das der Herr an vil Orten inn der
heyiligen Schrifft den weltlichen zeit-
lichen pracht vnd hochfart / auch miß-
brauchung seiner vns verlihenen Güt-
ter hoch verbeut/ so wil vns inn allweg
von nöte sein / daß wir die Geistlichen
Güter für den zeitlichen suchen / vnnnd
vns nit also den mißbrauch deß Eigen-
tums vnd vberflüssig geizigkeit vber-
winden lassen/ etc. Damit wir nit wie
der Reich Mann vnd andere mehr das
durch die ewigen Güter verlieren/ deñ
wir warlich alhie in diesem zergänglich-
chen jammerthal ein kurze zeit zu leben
haben/ sollen billich dem befehl Gottes
vnd vnser Seel seligkeit nach/ Gottes-
föchtig vnd Brüderlich mit einander
leben/ Damit wir nach disem zergeng-
lichen Leben/ die ewig freud vnd selig-
keit (so vns von Gote bereit)
besitzen mögen/ Amen.